



झजलपा बाह्यो

JWOJALAPA NEPALBHASA WEEKLY

दै: ६ ल्या: २७ पूर्णाङ्क: ७९

ने. सं. ११३६ पोहेलाश्व पुन्हि आइतवा: २०७२ माघ १०गते आइतवार (Jan- 24, 2016)

मू: ८/- (च्यातका)

सुचुकात:गु नेपाल पत्रकार महासंघया इतिहास संस्थापक नाय: नेवा: पत्रकार सत्यनारायण बहादुर श्रेष्ठ

ज्वज्वलपा वा:पौ /

नेवा: पत्रकार राष्ट्रिय दबू ललितपुर कचाया र्वसालय माघ ९ गते शनिवा: जूगु ज्याभवलय् नेपा:या पत्रकारतयगु छाता संगठन नेपाल पत्रकार महासंघया संस्थापक नायःया सवालय् इतिहास सुचुकात:गु स्पष्ट जूगु दु ।

यलय् नेवा: पत्रकार नापं थीथी संचार माध्यमया पत्रकारतयगु उपस्थितिइ जूगु ज्याभवलय् नेपाल पत्रकार महासंघया संस्थापक नाय:या नां हे सुचुका पत्रकार तयगु इतिहासयात हे हिइकेगु कुत: यानाचवन धका: थीथी व्यक्तित्व व पत्रकारपिन्सं न्वंवानादीगु ख: ।

उगु ज्याभवलय् नेपाल पत्रकार महासंघया केन्द्रीय दुज: लक्की चौधरी पत्रकार महासंघया संस्थापक अध्यक्ष सत्यनारायण बहादुर श्रेष्ठ जूगु दसि न्ह्यव्व:गु ख: ।

नेपाल पत्रकार महासंघया नेतृत्वं तर्क महासंघया संस्थापक नाय: श्रेष्ठ धका: बांलाक्क सिउसां नं तप्यंक स्वीकार मयासे राजनीतिकरण यानाच्चंगु दु धका: वय्कलं द्वपं बियादिल ।

वास्तवय् नेपा:या पत्रकारिताया इतिहासयात तर्क हिइकेगु ज्या गुगु कथं यानाचन थ्व तसकं बांमला:गु ज्या ख: धयादिसं पत्रकार चौधरी थ: याक:चा पत्रकार महासंघय् लगायतर



रुपं थुगु मुद्दायात ल्हवाना वनेगु जुइ धका: धयादिल ।

उगु ज्याभवलय् श्रेष्ठया म्थ्याय सुमिता मानन्धर पत्रकार महासंघया संस्थापक नाय: कृष्ण प्रसाद भट्टराई धका: थनिं भिनिदै न्ह्य: वूखं व:वलय् थ: अबु न्ह्यगु खं कनादीगु ख: ।

थ: अबु समाजसेवी नापं विशेष याना शिक्षाया क्षेत्रय् ज्या यानादीमह ख: धयादिसं वय्क:या पत्रकार महासंघया संस्थापक जुयादीगु खंयात स्थापित यायेगु नितिं मा:गु कथं थ:पिनिगु परि वारपाखें नं ग्वहालि यायेगु जुइ धका: वचं वयादीगु ख: ।

नेवा: पत्रकार राष्ट्रिय दबूया केन्द्रीय नाय: श्रीकृष्ण महर्जन पत्रकार महासंघया संस्थापक नाय: सत्यनारायण


बहादुर श्रेष्ठ हे जूगुलिं वास्तविकता स्वीकार याकेत फुक्कं कथंया प्रयास यायेगु खं कनादिल । उकिया नितिं आ: नेवा: नापं आदिवासी जनजाति पत्रकार त नं छर्पूं जुया वनेमा: धयादिल । पत्रकार महर्जन थुगु मुद्दायात स्थापित यायेगु नाप नापं नेवा:तयत नेपाल पत्रकार महासंघया दुज: दयेकेगु ज्या यात छगू कथं आन्दोलनया रुपय् हे न्ह्याकेमा: धयादिल । पत्रकार दबू यलया नाय: सुरज व्यञ्जनकार, केन्द्रीय उपाध्यक्षपिं राज्यलक्ष्मी शाक्य, सुनिल महर्जन, महासचिव उदेन न्हासायिम, सचिव सुरज व्यञ्जनकार, केन्द्रीय दुज: राजेन्द्र महर्जन लगायतपिन्सं नं वास्तविक इतिहास न्ह्य:ने हयेत सकलें छर्पूं छ्छी जुइमा:गु धयादिल ।

पत्रकार सत्यनारायण बहादुर श्रेष्ठ

मुलुकय् प्रजातन्त्र बहाली जुइधुंका: विक्रम संवत् २००८ सालया जेठ महिनाय् सत्यनारायण बहादुर श्रेष्ठ (नेपाल टुडेया सम्पादक) या सभापतित्वय् तत्कालिन अवस्थाय् नेपाल पत्रकार संघ गठन जूगु ख: ।

वय्क:या सभापतित्वय् गठन जूगु पत्रकार संघया उपसभापति प्रेमराज शर्मा, सचिवय् भोजराज सिंह न्यौपाने, सह सचिवय् रामहरि जोशी व कोषाध्यक्ष राजाराम शर्मा अले दुजलय् नारायणप्रसाद उपाध्याय, देवेन्द्रराज शर्मा, भीमभक्त जोशी व प्रकाशचन्द्र टन्डन जुयादीगु ख: । अनं लिपा २००९ सालया बैशाख २८ गते भोटाहितिइ निक्क:गु सभा जुल ।

उगु सभां नं सत्यनारायण बहादुर श्रेष्ठया हे नेतृत्वय संघया न्हा: यायेगु ज्या जूगु ख: । लिपा २०१२ सालया चैत्र १६ गते जक स्वक्व:गु भेला जूगु अले उगु भेलां हे नेपाल पत्रकार संघया न्हा: याना कृष्णप्रसाद भट्टराईयात नाय: कथं ल्य:गु ख: । उकिं नेपाल पत्रकार महासंघया संस्थापक नाय: धका: कृष्णप्रसाद भट्टराईयात नाला वयाच्चंगु गलत जूगु अले वास्तविकता धा:सा सत्यनारायण बहादुर श्रेष्ठ ख: धका: नेवा: पत्रकार राष्ट्रिय दबूपाखें व सम्बन्धित मन्तयसं दावी याना वयाच्चनानीगु दु ।



किपूया गथु प्याखं (गं मखा:गु प्याखं)

सफू बजारय् पिदने धुंकूगु दु थ:गु प्रति सुरक्षित यानादिसं

सफू दइगु थाय्

- १) खपया च्यामहसिंहया स्टेशनरी पस: (श्याम सुन्दरया पस:)
- २) खप कमल विनायकया स्टेशनरी पस:
- ३) किपूया सत:क्वया स्टेशनरी पस:
- ४) किपूया देय् पुगूया बाघभैरव स्टेशनरी पस:
- ५) किपूया पांगा दोवाटोया किपू बूक प्वाइट
- ६) यैया भोताहिति नातिबज्रया पस:
- ७) यैया कुलाभुलिइ च्वंगु मंका: धुकू पस:
- ८) यल, यल ध्वाखा अर्जुन स्टेशनरी पस:
- ९) स्वापू नितिं मेमेगु फोन नम्बर: ४३३४०९३, ९८४९७५२५८३, ९८४६०४६९२३९

मू
सच्छि तका जक (१००/-)



ज्वजलपा वा:पौ

सल्लाहकार
श्रीकृष्ण महर्जन
प्रकाशक:

नजरराम महर्जन
सम्पादक

श्रीकृष्ण तण्डुकार
ले-आउट:

ज्वजलपा डेस्कटप
संवाददाता

भरत महर्जन, निरजमान सिंह
थाकू

प्रिन्ट स्काई, येँ

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

सम्पादकिय

किपुली ल:या समस्या

ल: मनुतयूत मदयूक मगा:गु जीवनया छगू आधार ख: । मनुतयूग वस्ती विकास नं अज:गु थासयू याकनं जुइ गन ल:या सुविधा दइ । मनुतयूग जीवन हनेत पला:पति ल:या आवश्यक जुइ । ल:या बारे हे विस्वय यक्व थासयू युद्ध जूगु नं न्यने दु । थथे ल:या अभावयात कया: गबलें पाँगायापिं गबलें इटागव: व भाजंगा:यापिं मनुत खानेपानी अफिसयू वना: हा: वनेगु यात । जुलुस तकं वनेगु यात । खानेपानी उपभोक्ता समिति, राजनैतिक संयन्त्र काठमाडौं उपत्यका खानेपानी व खानेपानी प्राधिकरणया मनुत मुना: सहलह नं यात । तर किपूया ल:या समस्या समाधान यायेमफु ।

किपू लागाया ल:या मुहान भवाहिति, दुरुपुखु, सिम जुयाचंगु दु । न्हापा थनया हे ल: येँ, यलयू नापं छवयात:गु ख: । किपू लागाय यक्व वस्ती विकास जुया वल । न्हापा दुगु तुँ, व:पि व पुखूत न्हा: वन । अथवा ज्याख्यलयू मन्त । मनुत भतिचा सुविधा भोगी नं जूबलयू छैयू छैयू हिति तयेगु याना हल । ल:या यक्व माग दत । किपूयात हे ल: मगा:बलयू येँ व यलयू छवयात:गु ल: बन्द याना बिल । अयूसां ल:या समस्या गथे अथे हे जुल । न.पा.या बजेट तया: सुन्दरीघाटया ल: भाजंगा:या रिजरभवायरयू तया: पाँगा, इटागव, भाजंगा: व किपूया न्हूवजारयू ल: इनाविइगु यात । गुकिं याना: अनया बासिन्दात छक:ला तसकं लयूता:गु नं ख: । तर उगु ल: त्वना: मनुतयूग कथु स्यात । भाडावन्त जुल । अनेकौं ल्वचं थिया हल । अले मनुतसैं व ल:या परिक्षण याना स्व:बलयू व ल: त्वने मज्यूगु ल: धइगु सीकल । अले व ल: वितरण याके मबिल ।

वैशाख महिनायू भुखायू ब्वया ल: सुनावंगु धका त्वह: तल । हानं सकलें च्वना: सहलह यात । मुहानयू वना: स्व:वन । मुख्य मुहान दुरुपुखु, नौ मुले व सिम ख: । अन चच्छि न्हिच्छि हाया च्वनीगु ल: हितिया ल: जक सदुपयोग याये फुसां यक्व गाइगु अनुभव यात । उकिया नापं ल:या पाइपयू थातुंथासयू लिजेज जुयाचंगु दु । ल:या मुख्य पाइपं विना स्वीकृति थ:यस्सैं पाइप स्वाना: ल:यंकात:गु नं खन । व सितिं वनाचंगु ल:, ज्वया वनाचंगु ल: व खुया: कयात:गु ल: जक सदुपयोग याये फुसां किपू लागाय ल:या समस्या जुइमखुगु जुइ । विना स्वीकृति गैर कानूनीकथं हिति कयात:पिनिगु हिति लिकायेकेत काठमाडौंया प्रमुख जिल्ला अधिकारि नापं चासो तया: याकनं ज्या यायेत उजं बिलं नं सहलह जक याना: अज नं अज:गु छुं ज्या या:गु मदुनि । थ्व सुया कमजोरी ख: धाये मफुसां याकनं थ्व ज्या या:सा ल:या समस्या समाधान जुइगु खनेदु ।

येँनिसैं किपूतक ज्यापू महागुथि-४

ने.सं.११२३ कछलाख पारु म्हपुजा (वि.सं.२०५९ कार्तिकं ज्यापु महागुथि किपू नगर समितिं पिथंगु लुमन्ति-पौ पाखें ल्ह्यया कया:गु । थ्व च्वसां ज्यापु महागुथि गथेजुया गुगु कथं पलिस्था जुल धइगु सिकेत तिब: विइगु तायेका थन न्ह्यब्वया च्वना । – सम्पादक



—बुद्धिलाल ज्यापु—

स्व:गु मुँज्या : न्हिल्या: २०५६ पौष २७ गते मंगलवा:खुनु ज्यापु महागुथि किपू नगर कमिटी दयेके ज्याया पहल यायेया निति चंगु मुँज्या छगू तयारी समिति दयेकल । थुगु समितिइ बुद्धिलाल ज्यापु, टिकाराम महर्जन, श्रीकृष्ण ज्यापु, कर्मलाल महर्जन, रण कुमार महर्जन, ज्ञान वहादुर नेवा:, रत्नमान महर्जन व महन्त वहादुर महर्जन चंगु जुल ।

भाजु सुकराम महर्जन पाखें किपू नगर कमिटी गठनया निति पहल याके वीगु उकिया निति सम्पर्क तया ज्या न्ह्याकेया निति थ्व भव:या च्वमियात त:गु जुल ।

प्यक्व:गु मुँज्या: ने.सं.११२० पोहेलागा ३० अमाइखुनु ज्यापु महागुथि किपू नगर सम्मेलन समितिया संयोजक भाजु कुलवहादुर महर्जनया सभापतित्वयू पाँगाया पवित्र कुटी विहारयू मुँज्या जुल । थुगु मुँज्या दुज: ल्हापं कायेगु दर, लेटर पायड, दुतिना पौ, स्याम्प, ग्वाहालि पौ दयेकेगु ज्या जुल । किपू नगरदुने ला:गु थीथी त्वा:यात स्वीनिगु त्वा:कथं ब्वथ:गु जुल ।

न्याक्व:गु मुँज्या: ने.सं.११२० सिल्लाख चतुर्दशी २०५६ माघ २६ गते चंगु मुँज्या सम्मेलनया निति ज: दयेकेगु ज्या न्ह्याकेगु व ज्यापु जाति सम्बन्धि अन्तरक्रिया यायेगु खँ ब्व:छित ।

खुक्व:गु मुँज्या: ने.सं.११२० सिल्लाख पुन्हि (२०५६ फागुण ७ गते शनिवा: खुनु कुल वहादुरया सभापतित्वयू पाँगाया पवित्र कुटी विहार यू जूगु मुँज्या अन्तरक्रिया यायेत थीथी त्वालयू वनां मुँज्या त:वनेगु व दुज: दयेक: वनेगु ब्व:जित । नगर सम्मेलन तयारी कमिटीं न्याम्ह दुज: तनेगु ब्व:छिना कथं पुर्णवहादुर महर्जनजुयात दुजलयू दुध्याकल ।

न्हयक्व:गु मुँज्या: ने.सं.११२० चिल्लागा पारु २०५६ चैत्र ८ गते खुनु कुलवहादुर महर्जनजुया अध्यक्षतायू चंगु मुँज्या किपूया इताछें, त:ननि, पुखुसि, सिंद्रा:, तुंभव:, थतुभव:, मान:त्वा:, ल्वहंदेश:, गुत्पौ थुलि थायूया पासापिनिगु निति किपू मंका: छें (सामुदायिक भवनयू) मुँज्या तयेगु खँ ब्व:छित ।

च्याक्व:गु मुँज्या: ने.सं.११२० चिल्लागा दशमी २०५६ चैत्र १६ गते बुधवा: भाजु कुलवहादुर महर्जनजुया अध्यक्षतायू चंगु मुँज्या ने.सं.११२०

चिल्लागा द्वादशी शनिवा:खुनु ब:ध्वाखा व ग:छेंया ग:छें गुथिया चपा:छें गुथिया गतिविधिबारे खँ कनेगु व दुज: दयेकेगु खँ ब्यात । थ्वहे मुँज्यां ७ नं.क्षेत्रं त्यानादीम्ह तीर्थराम डंगोलजु न्हूगु मन्त्रिमण्डलयू स्वास्थ्य राज्यमन्त्री जुयादीगुलि सन्ध्या टाइम्सयू किपू नगर तदर्थ समितिं सुभायू वीगुनं ब्व:जित ।

गुक्व:गु मुँज्या नगां: ने.सं.११२० चौलागा दशमी २०५७ वैशाख १७ गते चंगु मुँज्या ने.सं.११२० कछलाख पारु बहनी नगामयू च्वनेगु खँ ब्व:जित । वैशाख महिनायू जुइमा:गु सम्मेलन जुइमा:गु सम्मेलनं छुं कारणवस मजगु व बुँज्यां लिमला:गुलिं भता तापा:वन ।

भिक्व:गु मुँज्या: ने.सं.११२० गुंलागा अष्टमी २०५७ भाद्र ६ गते मंगलवा: खुनु चंगु मुँज्या महन्त वहादुरजुया छें गुथिया ज्याकुथि चायकेगु भाद्र १० गते फुक्क ज:पासापिं मुनेगु व सम्मेलनया निति फुक्क वडायू आर्थिक ग्वाहालिया निति पौ वीगु ब्व:जित । सम्मेलनया मू पाहां किपूया दकलयू ज्याथ:म्ह (क्व:छें त्वा:याम्ह १०२ दँ दुम्ह) अष्टमान महर्जन, थुगु लागाया सांसद, मेयर, उपमेयर लिसैं वडाया अध्यक्षत पाहांकथं ब्वनेगु नं खँ ब्व:छित ।

भिंछक्व:गु मुँज्या: ने.सं.११२० गुंलागा द्वादशीखुनु कीर्तिपुर मा.वि. जुइगु ज्याभव:या पूर्व तयारीया निति ने.सं.११२० गुंलागा एकादशीखुनु मुँज्या चंगु जुल ।

भिनिक्व:गु मुँज्या: ने.सं.११२० गुंलागा द्वादशी २०५७ भाद्र १० गते शनिवा:खुनु ज्यापु महागुथि नगर तदर्थ समितिया न्हापांगु ज:मुँज्या कीर्तिपुर माध्यमिक विद्यालय जुल । थुगु मुँज्यां छगू ग्वाहालि पुच: नीस्वंगु जुल ।

१) भुवनमान सिंह अर्मलिस, किपू-३ २) हर्षमान महर्जन ब:ध्वाखा, किपू-२ ३) इन्द्रकुमार महर्जन इतागव-१८, ४) मचामान सिंह डंगोल इतागव-१८, ५) शुकराम महर्जन, कृतिसा:-६, ६) कृष्णभक्त महर्जन नगां-१६, ७) कमलेश महर्जन थांबहा:-१, ८) नेम महर्जन त:ग:वपि-१७, ९) ज्ञानवहादुर महर्जन, सा:गल-५, १०) पूर्ण वहादुर महर्जन मुगल छें-१७, ११) सुमन महर्जन ध्वाखासि-१०, १२) हेमन्त महर्जन ध्य:ध्वाखा-२, १३) सुर्यदेवी महर्जन कृतिसा:-६, १४) देव कृष्ण महर्जन म्वान:त्वा:-४, १५) किशोर कुमार महर्जन ब:ध्वाखा-२, १६) रुपा महर्जन दथल-१२,

सल्लाहकार १) शुकराम महर्जन पांगा, २) बुद्धिलाल ज्यापु किपू ३) शम्भुराम महर्जन नगां ४) टिकाराम महर्जन किपू ५) सानुभाइ महर्जन पांगा

भिंस्वक्व:गु मुँज्या: ने.सं. ११२० जंलाख अष्टमी (भाद्र १९ गते जूगु मुँज्यां कार्तिक ५ गते जुइगु त:मुँज्याया निति थीथी कव:या संयोजकत ल्यल ।

प्रचार प्रसार संयोजक : ज्ञानवहादुर महर्जन, आर्थिक कव:या संयोजक : महन्त वहादुर महर्जन, सांस्कृतिक कव:या संयोजक : काजिराम महर्जन व्यवस्थापन कव:या संयोजक : कमलेश महर्जन

भिंप्पक्व:गु मुँज्या: ने.सं.११२० कौलाख एकादशी (२०५७ आश्विन २३ गते) सोमवा: ज्यापु महागुथि केन्द्र व किपू नगर तदर्थ समितिया मंका: मुँज्या जुल । थुगु मुँज्यां त:मुँज्याय नाय:, न्वकू, छयाञ्जे, ल्यू छयाञ्जे, व दांभरि नापं ११ म्ह व उकिमध्ये ४ म्हतक दुज: ल्ययेगु खँ ब्व:छित सा मेगु विधानयू केन्द्रीत जुया नीति नियमया विभिन्न खँया निर्णय यात ।

भिंन्याक्व:गु मुँज्या: ने.सं.११२० कौलाख कतिपुन्हि (२०५७ असोज २६ गते) विहिवा: चंगु मुँज्यां त:मुँज्याया उलेज्या देया थकालि भाजुं उलेज्या याकेगु, हनेबह:म्ह सांसद व स्वास्थ्य र ज्यमन्त्री तीर्थराम डंगोलजुयात मूपाहां याना किपूया मंका: दबु छें क्वाकेबयू त:मुँज्या यायेगु ब्व:छित लिसैं त:मुँज्यां गुथिया ज:तयूत ज्य:नां याकेत म्हति नीतिका ल्हायेगु खँ नं ब्व:छित ।

भिंखुक्व:गु मुँज्या (ने.सं.११२० कौलागा सप्तमी विहिवा: चंगु मुँज्यां थुकथं निर्णय जुल । त:मुँज्यापाखें न्हूगु कार्यसमितिं ल्यज्या यायेगु निति थीथी पदाधिकारीपिं क्वयू न्ह्यथनाकथंयापिं ल्य:गु जुल ।

१) शम्भुराम महर्जन, २) तुयूवहादुर महर्जन, ३) माधवलाल महर्जन, ४) टिकाराम महर्जन ५) नन्दकुमारी महर्जन (नानी) ६) अनुप सिं सुवाल

बन्द सेसनयू अध्यक्ष मण्डल ल्यज्या यायेबलयू पाहांकथं पांगाया सुकराम महर्जन ल्ययेगु । नगर तदर्थ समितिया त:मुँज्याय छुकथंया अवस्थायू क्वयू न्ह्यथनाकथंया व्यक्तित्व निर्णय यायेगु पूर्ण अधिकारया व्यवस्था या:गु जुल । कुल वहादुर महर्जन, ज्ञान वहादुर महर्जन व रत्नमान महर्जन

भिंन्हयक्व:गु मुँज्या: ने.सं.११२० कौलागा नवमी ज्यापु महागुथि किपू नगर तदर्थया दकलयू लिपांगु मुँज्यां थुकथं ब्व:छित । ज्यापु महागुथि किपूया न्हूगु नगर कार्यसमितिइ क्वयू बियाकथं दुज:पिनिगु नां प्रस्तावित या:गु जुल ।

१) कुल वहादुर महर्जन-नाय:, २) ज्ञान वहादुर महर्जन नेवा:-न्वकू, ३) रत्नमान महर्जन-छयाञ्जे, ४) ज्ञान कुमार महर्जन-ल्यू छयाञ्जे, ५) महन्त वहादुर महर्जन-दांभरि, ६) देव वहादुर महर्जन-दुज: ७) मन्दिरा महर्जन-दुज:

ग्वाहालि ज्वलं

१) ज्यापु महागुथि केन्द्रया न्हापांगु त:मुँज्याय न्ह्यब्व:गु प्रगति विवरण २) ज्यापु महागुथि नगर कमिटी या:गु धिमे ब्वज्या धुका पिका:गु बुलेटिन ३) यँया दक्षिण पश्चिम भेगया माइन्टूट ४) किपू नगर कमिटीया माइन्टूट क्वचाल

किपुली चितुवाया आतंक



आक्रमणय् लाना हिराकाजि महर्जन घा:पा:

ज्वजलपा वा:पौ

किपूया न्हूवाजा, घ:धाखाय चितुवा दु धका: हुइना भुइनाला जुयाच्वंगु हे ख:। पिने ग:ग: जुइपिं खिचात छम्ह निम्ह, छम्ह निम्ह याना: यक्व हे तनांवनां च्वंगु महसुस जुयाच्वंगु ख:। अयसां मनूतय्त आक्रमण यायेगुली मच्वंगु ख:। थ्वहे भवलय् वंगु शुक्रवा: किपुली आकाभाकां चितुवाया आतंक

फैलय् जुल। कुतुभवलय् धनवहादुरया छैय् चितुवा दुहांवन धैगु खँ सिया यक्व हे मनूत अन स्व:वन।

कुने छेलिइ चितुवा तलय् छैथुवात। काचाकिचिं तलय् थहाँ वनेगु स्वाने त्व:तिना: बिल। स्थानीय मनूतसें पिने खापा तिना: ता:चा ग्वयाबिल। प्रहरीयात खवर बिल। प्रहरी थ्यंक: वल। वन विभाग व सदर चिडियाखाना

जावलाख्यलय् सूचं बिल। ख्यैसे मनूत कुतुभव: त्वालय् व:गु ख:। उकिं कुतुभव: त्वालय् छगू कथं चितुवा स्वयेगु मेला थें हे जूगु ख:। चितुवा कुतुभव: त्वालय् च्वंगु धनवहादुर महर्जनया छैय् दुहां वने न्हय: किपूया मजा:देग: लागाय् स्थानीय हिराकाजि महर्जनयात आक्रमण या:गु जुयाच्वन। चितुवाया आक्रमणय् लाना हिराकाजी महर्जनया ख:गु पिकया: गाडी तया यंकल।

चितुवा व:गु खबर सिइव किपू नापं किपू ज:ख:या सलस:मह मनूत कुतुभव: त्वालय् व:गु ख:। उकिं कुतुभव: त्वालय् छगू कथं चितुवा स्वयेगु मेला थें हे जूगु ख:।

चितुवा कुतुभव: त्वालय् च्वंगु धनवहादुर महर्जनया छैय् दुहां वने न्हय: किपूया मजा:देग: लागाय् स्थानीय हिराकाजि महर्जनयात आक्रमण या:गु जुयाच्वन। चितुवाया आक्रमणय् लाना हिराकाजी महर्जनया ख:गु

लहा: व प्वाथय् घा:पा: जूगु ख:।

वयक:यात टेकू अस्पतालय् वास: याका त:गु दु। सुथ न्हापां मजा: देग: लिक्क किपूया ट्का लैय् आकाभाकां चितुवां आक्रमण या:गु ख: हिराकाजी महर्जनयात।

उकिं वयक:यात घा:पा: जूगु ख:। वयक: किपू नगरपालिका वडा नं. ३ इताछें त्वा:या स्थानीयवासी ख:। चितुवा छें दुहांवंगु ९ घण्टा लिपा बेहोस

याना थ्यंमथ्यं ३ वजेपाखे जक चितुवायात यंकूगु ख:।

किपुलिइ व:मह उम्ह चितुवा वयस्कमह ख: धका: धा:गु दु। सामान्यतया चितुवाया आयु धइगु २० वर्ष जुइगु ख:सा उम्ह चितुवा १० वर्षति दये धुकूमह अले करिव ४० किलो सिबें अप्व: दुम्ह ख: धा:गु दु। चितुवायात वन विभागय् यंका अनं लिपा शिवपुरी राष्ट्रिय निकुन्जय् त्व:ते यंकेगु जुइ धका: धा:गु दु।

आर्टिस्ट राजमान महर्जनयात 'सोफाज ललितकला पत्रकारिता विशेष सम्मान



ललेन्द्र शाक्य

वंगु छुं दिं न्हय: किपू नगरपालिका ५ वडा कुतुभव: त्वालय् च्वनादीम्ह कलाकार राजमान महर्जनयात 'सोफाज ललितकला पत्रकारिता विशेष सम्मान'पाखें सम्मान या:गु दु। यँया नेपाल आर्ट काउन्सिलय् छगू ज्याभव:या दथुइ उपराष्ट्रपति नन्दबहादुर पुन 'पासाड'या ल्हा:तं कलाकार राजमान महर्जन सम्मानित जुयादीगु ख:।

नेपाली ललितकला क्षेत्रया प्रबर्द्धन व विकास यायेगु आज्जु ज्वना: नीस्वनात:गु नेपाल ललितकला पत्रकार समाजं ललितकला पत्रकारिताय् योगदान बियादीपिं थीथी व्यक्तिपिन्त पुरस्कृत व सम्मान या:गु ख:। थ्वहे भवलय् ललितकला विषयया वा:पौ 'क्यानभास'या प्रकाशक व कार्यकारी सम्पादक जुया: डेढ दशक न्हय:निसें योगदान यानादीगुलिं कलाकार राजमान महर्जनयात 'सोफाज ललितकला पत्रकारिता विशेष सम्मान'पाखें सम्मान या:गु ख:। थुगु सम्मानपाखें नेपाल टेलिभिजनया टंक उप्रेति नं सम्मानित जुयादीगु ख:। किपूया कलाकार राजमान महर्जन संघर्षशील क्यानभास दुनेया प्रतिभावान् कलाकार ख:। भाजु महर्जनं वि.सं. २०४९ सालपाखे करुणाकर सिर पा: कयादी धुकलसा २०६८ सालपाखे ललितकला पत्रकारिता सिरपा: नं कयादी धुकल। 'क्यानभास' वा:पौया कार्यकारी सम्पादक व प्रकाशक राजमान महर्जन दकले न्हापां नेपालभाषाया कमिक्स (किपा: हना बाखं) च्वया: पिथनादीम्ह व्यक्ति ख:। थौंकन्हय् वयक: कीर्तिपुर कलाकार समाजया नाय: नं जुयाच्वनादीगु दुसा नेपाल ललितकला एकेदेमिया प्राज्ञ सभाया दुज: नं ख:।

छु छु संकिपा स्वयेदइ थुगुसी



विजयरत्न असंबरे

थगुने नगुने नेपालभाषाया संकिपा ख्यः छगू कथं शुन्यथे जूगु खः। थगुने स्वंगु अले नगुने प्यंगुजक नेवाः संकिपा पिदंगुलिइ ने.सं.११३५ दुने भिगु नेवाः फिल्म पिदंगु खनेदत।

थ्व दच्छिया दुने ‘तिमिला’, ‘लाय् मदु पसः कला मदु ससः’, ‘धम्मवति’, ‘पागलपन’, ‘टेम्पो चालक’, ‘स्यंगु छेँ’, ‘तापलय्’, ‘भौमचा’, ‘जि यम्ह पासा’, ‘नखः’ नापं याना मुकं भिगू नेवाः फिल्म पिदंगु खनेदतसा आः थुगुसी ने.सं.११३६ दुने अभ्र अप्वः नेवाः फिल्म पिदनिगु खनेदु। थुगुसी पिदनिगु नेवाः फिल्ममध्ये छुं छुं फिल्मत डिभिडि भिसिडिचा कथं पिदनिसा छुंछुं फिल्मया च्यारिटी शो जुइगु

खनेदु। थुगुसी संकिपाया डिभिडि चालय् निर्देशक आर्यम नकःमिया लोकंह्वाना च्वंगु टेलिसिरीयल “ड्याड सन”या डिभिडिचा नं लाःगु दु। थुगुसी पिदनिगु मेमेगु नेवाः फिल्मय् निर्देशक विश्व कपालीया “मनू म्हसिकी” छगू नं खः। लोकंह्वाम्ह हिरोइन भिन्तुना जोशी व खस नेपाली भाय्या संकिपाय् नं हिरो जुया फिल्म म्हिते धुंकूम्ह विनोद श्रेष्ठया मेन रोल दूगु थ्व फिल्मया छगू निगू शो अमेरिकाय् नं जुइ धुंकल धाःगु न्यने दु। विनोद श्रेष्ठ थ्व “मनू म्हसिकी” सिबें न्हयः “पानवती”, “त्याग” थेंज्यागु नेवाः फिल्म नं म्हिते धुंकल। अथेंहेतु थुगुसी निर्देशक सुरेश स्थापितया “ल्हा हुस्तु प्वा फुस्तु” नं पिदनिगु लँपुइ लानाच्वंगु दु। “फय्गं” थेंज्यागु सिरीयल दयेके धुंकूम्ह निर्देशक सुरेश स्थापितया थ्व फिल्म याकन हे पिहाँ वइगु लँपुइ लानाच्वंगु दु। अथेंहेतु “तिन तिकः महाविक” नांयागु छगू फिल्म नं थुगुसी हे पिदनीगु

जूगु दु। निर्देशक प्रविण लाकौलया थ्व फिल्मय् कलिउडया नांजाम्ह आइटम डान्सर सुष्मा कार्कीया आइटम डान्स नं दुध्याका तःगु दु। थूगुसी पिहाँ वइगु सम्भावना दूगु फिल्मय् ऐतिहासिकता व साँस्कृतिकता जाःगु निगु फिल्म नं लाः व। अज्यागु फिल्मय् छगू “जामन गुभाजु” खःसा मेगु “श्री करुणामय लोकेश्वर” खः। “जामन गुभाजु”या निर्देशक रवि साय्मि छम्ह नांजाम्ह क्यामेरापर्सन खः। थुके सुशील राजोपाध्यायभाजु जामन गुभाजुया मेन रोल याइगु जूगु दुसाः थ्व फिल्मया बाखँ ऐतिहासिक बाखँ खः अले थुकिया नितिं सुशील राजोपाध्यायभाजु हे धकी बाखँ व खँलावल्हा च्वज्या यानाच्वंगु दु।

छगु संजोग हे धायेमालि की “श्रीकरुणामय लोकेश्वर”या च्वज्या नं छम्ह कलाकार ज्ञानेन्द्र ईशाराजु च्वया च्वनादीगु दु। “श्रीकरुणामय लोकेश्वर”या निर्देशन बासु

शाहीजुं यानादीत्यंगु खः। खस नेपाली भाय् व नेवाः भाय् निगुलिं भाषां दयेकीगु थ्व फिल्मया नितिं कलाकार ल्यःज्या धाःसा जूगु मदुनि। नन स्टप फिल्म मेकरया रुपय् चर्चितम्ह निर्देशक बासु शाहीभाजु दयेके त्यंगु “श्रीकरुणामय लोकेश्वर” या भिं साइत याःगु ज्याभवलय् हे भिं साइत चूलाकुगु मेगु फिल्म “एक सय एक”नं थुगुसी हे पिदनिगु फिल्म खः। थुके रुपेन्द्र श्रेष्ठ व रजनी खड्गीया मेन रोल दइगु ग्वसाः दु। थ्व छगु सामाजिक विषयया फिल्मया पिदनिगु खँ दु। थुगुसी हे बासु शाहीया मेगु छगू फिल्म “तानाजू” नं पिदनिगु जूगु दु। निर्देशक हे तयार जूगु थ्व फिल्मय् नांजाम्ह लोकंह्वाम्ह कलाकार सबिन शाक्यया मेन रोल दुसा थुके अनेश्वरी शिल्पकार नं छगु रोलय् खनेदइगु जूगु दु।

ने.सं.११३६ दुने आर्यम नकःमिया “तुयुमति” पिदनिगु खँ दु थुके हिसिला महर्जनया नापनापं अनेश्वरी शिल्पकार व मनिष श्रेष्ठ लगायतया मू

भुमिका दु। अथेहेतु “पटाचारा” थेंज्यागु स्वंगुस्वंगु राष्ट्रिय चलचित्र पुरस्कार त्याकेत ताःलागु फिल्मया निर्देशक रामकृष्ण खड्गीया निर्देशकया न्हूगु फिल्म “कृषा गौतमी”नं थुगुसी हे पिदनिगु फिल्म खः। खय्तला थ्व फिल्म ने.सं. ११३५ या स्वांया पुन्हि खुन्हु हे रिलिज जुइगु खँ दूगु खःसां थुगुसी तःभुखाय्या हुनिं रिलिज मजगु खः।

नेपाःया संकिपा ख्यःया नांजाम्ह व पुलांम्ह हिरो शिव श्रेष्ठया नं छगू मेन रोल दइगु थ्व फिल्मय् “पटाचारा”या हे जोडी कर्मा व मेलिना मानन्धर यान जोडी हाकनं छक्वः खनेदयेक वयेत्यंगु दु। “पटाचारा”थें हे तु “कृषा गौतमी” नं बृद्धकालिन बाखँनय् आधारित संकिपा खःसा थ्व फिल्म नं मेमेगु नेवाः फिल्म थें डिभिडीचालयजक लिक्निगु मखसे “पटाचारा”थेंहेतुं गुण सिनेमा हलय् बकायदा रिलिज जुइगु फिल्म खः। “पटाचारा” व “कृषा गौतमी”या निर्माण ज्याय् ल्हा तःगु गुण सिनेमां थ्व निगु संकिपासिबें न्हयः

“गोलमाल” व “शंकरा”नांयागु निगु नेवाः फिल्मय् नं लाय् तःगु खःसां थ्व निगुलिं फिल्म धाःसा आःतकं पिहां वःगु मदुनि। “पटाचारा” व “कृषा गौतमी” निगुलिं फिल्मया निर्देशक रामकृष्ण खड्गी जूथेंहेतु “गोलमाल” व “शंकरा” नांयागु निगुलिं फिल्मया निर्देशक राज शाक्य खः।

आःतकं पिहां मवःनिगु नेवाः फिल्मय् निर्देशक सुरेन्द्र तुलाधरया दकले न्हापांगु पलाः कथं शुटिंगु शुरु जूगु “अंश” नं खःसा मेगु फिल्मय् निर्देशक प्रकाशराज मानन्धरया “कायमचा ल्यायम्ह” नं खः। अथेहेतु निर्देशक सुर्य श्रेष्ठया लूथःगु छें नं आ तक पिहाँ मवनिगु नेवाः फिल्म खः। थथे पिहाँ मवनिगु नेवाः फिल्म मेमेगु नं दयेफु।

तर थ्व च्वसुतिइ अज्यागु दक्व फिल्मया नां धाःसा दुध्याकेगु कुतः जूगु खसां उलि ताःलाय् फया च्वंगु मदु। तर लिपा लिपा हाकनं अज्यागु संकिपाया नां दुध्याकेगु कुतःधाःसा जुयांतुं च्वनि धइगु आस याये हे माः।

किपू नपां एनसेल कम्पनीयात कारवाही याइगु



किपू लागायी थीथी सार्वजनिक थासय् थीथी कम्पनीं लाक्वपाक्व थःगु कम्पनी प्रमोटया होर्डिङ बोर्ड तयेगु यानाः वयाच्वंगु दु। ताःई न्हयःनिसैं थीथी कम्पनीतसैं थुज्वःगु कथं लाक्वपाक्व होर्डिङ बोर्ड तयेगु यानाः वयाच्वंसां नं किपू नगरपालिका च्यूताः मतःगु खः।

तर आः वयाः किपू नगरपालिकाया २२ क्वःगु नगर परिषद क्वचाये धुंकाः नपां सार्वजनिक थासय् लाक्वपाक्व होर्डिङ बोर्ड तयातःगुलि मिखा ब्वःगु दुसा नपाया थुगु पलाःयात जनसमुदायपिन्सं च्वछायेवहःगु पलाः कथं काःगु दु।

किपू नपा ३ वडाया न्हवजारय् च्वंगु बास्केटबल व फुटबल ग्राउण्डलिक एनसेल कम्पनीं छगू होर्डिङ बोर्ड छुं दिं न्हयःनिसैं तयातःगु दु। किपू नगरपालिकाया छम्ह कर्मचारी ब्यूगु जानकारी कथं उगु होर्डिङ बोर्ड तयेन्थ्यः नगरपालिकायाके स्वीकृति काय्माःगु खः। अजःगु छुं हे स्वीकृति मकाःसे तयेत्यंबलय् हे मतयुत उजं ब्यूगु खःसां अतेर यानाः तयां त्वतल। उगु होर्डिङ बोर्ड सुयाके न्यना तःगु खः व नं नगरपालिकां मस्यू। आः नपां उगु होर्डिङ बोर्ड लिकायेत एनसेल कम्पनीयात उजं बिइधुंकूगु दु।

उम्ह कर्मचारीया कथं एनसेल माघ ९ गते तकया दुने उगु होर्डिङ बोर्ड चीकेगु बच नपायात बिइधुंकूगु दु। यदि उगु इलय् तक एनसेल होर्डिङ बोर्ड मचीकूसा नपां हे चीकेगु, चीकेगु लगय् जूगु खर्च एनसेल कम्पनीया असुल यायेगु धाःगु दु। तर थ्व समाचार दयेकाः च्वनावलय्तक होर्डिङ बोर्ड चीकेगु ज्या मयाःनि। आः किपू नगरपालिकां गवलेतक उगु होर्डिङ बोर्ड चीकीगु खः स्वये त्यंदनि। कि नगरपालिकाया माकः फुई जक सावित जुइगु खः।

भिंतुना



ज्वजलपा वा:पौया ग्वाहालिमि पांगा सुन्दर बजारया

दिपक महर्जनया म्थ्याय् मयजु दिपा महर्जनं

नेपालभाषा एम.ए तगिमय् दक्ले अप्वः ल्याःहःम्ह

ब्वमियात लःल्हाइगु पियूस पदक सिरपाः

त्याकादीगुलिं वय्कःयात भिंतुना देछासे अभ्र अप्वः

प्रगति याना वनेफयेमा धकाः कामना यानाच्वना।

ज्वजलपा वा:पौ

निखासि, किपू

साहित्य/चिनाखं

कीर्ति

नाति महर्जन

द्य:चपा, पाँगा

जनताया दु:ख कष्ट चिंका छोइपिं

सु दु थ्व देसय् नेता बांला:पिं

दक्व धुकू छैं थें क्वथां पिहाँ मव:से

देशया सम्पति फुकाचर्वापिं

देश विकास याये धका: व:पिं

जनताया दु:ख कष्ट हतेयाय् धा:पिं

ग्व इमिसं छु ज्यायात थौंतक

धुकू छु थें देश भ्वाव: जुइका चौपिं

धुकू छु धैपिं तसकं ग्यानापुपिं

गरिव तेत दु:ख बिया प्वगियाइपिं

गरिवया नसें मन:सें मुँका त:गु सम्पति

नयाँजक मगाना स्येका न वनीपिं

तसकं छडु जुइ धुकू छु धैपिं

काचाक धुकुति पिछ्वये फैमखु इपिं

नं छु पाँयले क्यनी न वास: नके फै

गन नल अन फाना: फोहर यानावीपिं

भी नेतातनं मखु धुकू छु सिबय् कमपिं

सिंहदरवारे च्चना देश नयेफुपिं

इमित दर भर सुयागु मदु

कानुन सिबे हे इपिं च्वय् ला:पिं

कल कारखाना प्यारा मरी थें नइपिं

बाँध ताँ दय्केगु डंडी कंकीत लेंथें न्ह्यइपिं

तोप बन्दुक थेंज्यागु हथियार ला छु नि छु

हवाई जहाज हे ग्वर्लंग्व नुनेफुपिं

देश व जनताया वास्ता मदुपिं

विकासया पल्सा विनास यानाचर्वापिं

देशय् सरकार धा:म्ह दुगु ख:ला मखुला जुइक

सकभनं अराजकता फैले यानाचर्वापिं

थुलिमछि दत देशय् भुखाचँ दु:ख जूगु

मखं इमिसं जनता नयेमखना ख्वयाजूगु

इमिसं याये मा:गु ज्या छु मया:से

थ:गु स्वार्थ जक पूर्वका च्वंगु

दछि दत जनताया गाँस बास मदुगु

आ:तक सरकारं छु दु ग्वाहालि या:गु

पिने देशं व:गु अनुदान धेवा हे

प्रधानमन्त्री कोषय ततं हे जुल फुकिगु

जनता वावइ फय्वइ धका ग्याना जुल

च्वनेथाय् मदया ल्हों कापी देनाजुल

सरकार धा:म्ह ला वास्ता यागु हे मखु

थ्व देशय् गरिवतय् तसकँ अन्याय जुल

दछि दत उखें थुखें जनता ब्याँय् जूगु

मदु सुं हे न्यनीपिं स: गरिवतेगु

गरिव त गनं वना: हा: वनकि

पुलिस हया: प्व: प्व: थाय्क दाया हइगु

गणतंत्र वलकि जनताया राज वई धा:गु

उल्टा थन ला दानव राज काजूगु

देशय् भ्रष्टाचारी व कालोवजारी याका

गुन्दा राज चले याका च्वंगु

सच्छि वंगु पेट्रोल न्यास: कया च्वन

ग्याँस बाग:या द्रुछिं मिया च्वन

न्याययात मिखा काँ जुइक मिखाय् चिना:

ताकँ ताकँ सरकार चले यानाच्वन

गरिवतसें न ग्याँस च्याकेफु

न मतितेल च्याका जाथुया नयेफु

वक्को ग्याँस नेतातेगु छैं

वचे जूगु दक्को कालोवजारी तयेगु

गरिवयात गणतंत्र फापे मजुल

जनतायात ख्वयेके जिकको ख्वयेकल

प्रकृति प्रकोप यागु धाले

राजनीतिं प्रकोपं मल्ता ची हा: यानाविल

अरवौ धेवा विदेशं सहयोग वल धा:गु

आ:तक स्वैतं मब्युसे मस्यु गन छव:गु

मज्जि मगाना जनतायात भिन्त्याद्र: दाँ जोंका

मचा हेके थें हेका त:गु

हा हाँ न्या न्यां चिकुला न वल

च्वापु क्वाहाँ वैगु ई त्यल

च्वापु क्वाहाँ वैबलय् गन वनेगु

भ्वलं भ्व जनता चिकुं पुना सिगु जुल

सिइपिला याउँक सिना वनी

वचेजूपिन्त थ्व सरकारया भरे तोतावनी

थजापिन्सं जनताया भलो याई धैगु आसा यायेगु पल्सा

सिनां वँसां हे वरु भाग्यमानि

जनतां सुखसिगु आश त्वतल

निरास या सुपार्चं त्वपुइ धुकल

अयसां छम्ह निम्ह बुद्धिजीवितेगु खँ न्यना

बुलुहुँ लिपा छुं सुख जुइगु आश खनावल

बुद्धिजीवितसें निरास जुइ मज्यु धाल

वैज्ञानीक युग्य आशावादी जुइमा धाल

इमिसं ब्युगु बुद्धि न्यना तिनी

नेपा:मितय् न्ह्यलं चा:थें जुल ।

नेपा:मि तय्त बल्लं सहास वल

आ: अन्याय सहायय मखुत धाल

थ:गु प्राण त्याग याये मातले नं

देशय् अन्याय याका तय् मखु धाल

व्यवहारिक जीवन न्ह्याकेत मदयेकं मगा:गु शिक्षा

नास: (न्वचू उद्घोष व एफ एम संचालन कला)

एफएम संचालन

सांगीतिक ज्याभ्व: र कर्ड जुयाच्वंगु म्ये हायेकेवलय् व प्रत्यक्ष रुपं कलाकारपिं ब्वना हायेकेवलय् फरक जुइ धका: नं थुइकेमा: ।

म्येय् नं सन्देश बियाच्वंगु दइ । उकिं न्यनामिया नितिं छु इलय् छु सन्देश दुगु म्ये न्यंकेगु पाय्छि जुइ धका: नं ध्यान बिइमा: ।

फोन इन ज्याभ्व:

न्यनामियात प्रत्येक्ष रुपं ब्वति कायेकेगु ज्याभ्व: धइगु हे फान इन ज्याभ्व: ख: ।

फोन इन ज्याभ्व: सामान्यतया प्यंगू कथंया दु । १) खुला फोन इन, २) विषय केन्द्रीत फोन इन, ३) सार्वजनिक सवालाया फोन इन व ४) व्यक्तिगत परामर्श फोन इन

फोन यानाह:म्ह अर्थात ब्वति का:म्ह मनूलिसे हे परामर्श यायेगु

ज्याभ्व: हे व्यक्तिगत परामर्श फोन इन ज्याभ्व: ख: । ब्वति

कयादीम्ह मनूया थीथी पक्षयात कया न्यनेगु ज्याभ्व: ख: । न्यनामिया निजी खँयात सार्वजनिक यायेगु थें जुइक म्वा: मदुगु खँ न्यने मजिउ । मनोरन्जनया नामय् शोषण याये मिजउ व्यक्तिगत परामर्श फोन इन ज्याभ्वलय् ।

१) खुल्ला फोन इन

ज्याभ्व: न्ह्याकीम्ह व ब्वति काइम्हिसिया दथुइ तप्यंक हे खँल्हाबल्हा यायेगु अले र डिवापाखें प्रत्येक्ष प्रशारण जुया च्वनीगु ज्याभ्व: धइगु खुल्ला फोन इन ज्याभ्व: ख: ।

थुगु ज्याभ्वलय् न्ह्याथे जा:म्ह नं न्यनामिं ब्वति कयादीफु । थुगु ज्याभ्वलय् छुं विषय दये नं फु अले मदये नं फु । छगू कथं गफ यायेगु अले म्ये न्यंकेगु याइ । थ्व हलुका कथंया ज्याभ्व: ख: ।

२) विषय केन्द्रीत फोन इन


छुं नं छगू विषय बिया व हे विषययात कया केन्द्रीत जुया न्यनामि व ज्याभ्व: न्ह्याकीम्हिसिया दथुइ जूगु खँभाय्यात रेडियोपाखें प्रत्येक्ष रुपं प्रशारण यायेगु ज्याभ्व: धइगु विषय केन्द्रीत फोन इन ज्याभ्व: ख: ।

विषय केन्द्रीत फोन इन ज्याभ्व: न्ह्याकेवलय् उगु विषययात यका थ:के नं ज्ञान दयेमा: । अले व विषययात कया

फरक फरक विचा: व दृष्टिकोण तइपिं न्यनामिपिं सहभागी जुइ धका: थुइकेमा: ।

३) सार्वजनिक सवालाया फोन इन

सार्वजनिक वियासं बहस संचालन यायेगु ज्याभ्व: धइगु हे सार्वजनिक सवालय् फोन इन ज्याभ्व: ख: । ज्याभ्व: न्ह्याकीम्हिसिनं तसकं होस यायेमा: । विषय केन्द्रीत मजूसे गुलिं गुलिं मेमेगु विषय स्वकान नं थ:थ:गु खँ तया वनेफु । अले अथे बहस जुइगु इलय् ज्याभ्व: न्जनया नामय् शोषण याये



श्रीकृष्ण महर्जन

न्ह्याकीम्हिसिनं मेपिन्त द्रुपं बिइगु ज्या याये मजिउ । थ: माध्यम जक जुइमा: । छगू पक्षया विचा:यात समर्थन वा विरोध यायेगु जया ज्याभ्व: न्ह्याकामिं याये मजिउ । अथे जुल धा:सा ज्याभ्व: न्ह्याकामि पक्षपाति जुइ ।

४) व्यक्तिगत परामर्श फोन इन

फोन यानाह:म्ह अर्थात ब्वति का:म्ह मनूलिसे हे परामर्श यायेगु ज्याभ्व: हे व्यक्तिगत परामर्श फोन इन ज्याभ्व: ख: । ब्वति कयादीम्ह मनूया थीथी पक्षयात कया न्यनेगु ज्याभ्व: ख: । न्यनामिया निजी खँयात सार्वजनिक यायेगु थें जुइक म्वा: मदुगु खँ न्यने मजिउ । मनोरन्जनया नामय् शोषण याये

मिजउ व्यक्तिगत परामर्श फोन इन ज्याभ्वलय् ।

फोन इन ज्याभ्वलय् ज्याभ्व: न्ह्याकामिं ब्वति कयादीपिन्त स्वापू तयादी नं फइ अले स्वयं ब्वति कयादीम्हं स्टेशनय् तप्यंक हे स्वापू तया फोन याना ब्वति कायेकेगु नं यायेफइ । उकिं थ्व निगू तरि का मध्ये छु गुगु इलय् पाय्छि जू उगु हे विधि यात नाला कायेमा: ।

क्वचाल

मेगु वा:निसें नेवा: संस्कृतिया सवाल व नेवा:तय्सं थुइकेमा:गु विषययात कया निरन्तर रुपं न्हयब्वयेगु कुत: यायेगु जुइ । नेवा: संस्कृतिया बांला:गु व बांमला:गु पक्षयात कुलेगु जुइ ।

(श्रीकृष्ण महर्जन)

गोरखापत्र न्हिपौया प्रधान सम्पादक भाजु पुष्करभक्त माथेमा सम्मानित



गोरखापत्र न्हिपौया प्रधान सम्पादक भाजु पुष्करभक्त माथेमा थुगुसीया प्रधान पत्रकारीता सिरपालं सम्मानित जुयादीगु दु ।

वंगु माघ ५ गते यल्य जूगु छगू ज्याभवलय मदुम्ह साहित्यकार मयजु मन्दिरा प्रधानया नामय नीस्वनातःगु प्रधान सिरपालं भाजु माथेमायात हंगु खः । मयजु प्रधानया स्वदैया पुण्य तिथिया अवसर य जूगु ज्याभवलय भाजु माथेमायात १०,००१ १- तकालिसैंया प्रधान पत्रकारीता सिरपा: लःल्हाःगु खः ।

प्रधान पत्रकारीता सिरपा: गुथिया नायः नृपेन्द्रलाल श्रेष्ठ भाजु माथेमायात स्वांमा: कोखायेकादिल सा नेवा: पत्रकार राष्ट्रिय दबूया नायः श्रीकृष्ण महर्जनं दोसल्लां न्ययेकादिल । अथे हे ज्याभवःया मू पाहां नेपालभाषा एकेदमिया चान्सलर चित्तरन्जन नेपालीं हनापौ लःल्हानादीगु खःसा सिरपा:या दाता लिसैं संरक्षक भाजु मन्जुल प्रधानं भिद्रः व छतका सिरपा: लःल्हानादिल । उगु ज्याभवलय सिरपा:या दाता मन्जुर प्रधान, मूपाहां चित्तरन्जन नेपाली, नेवा: पत्रकार राष्ट्रिय दबूया केन्द्रीय नायः श्रीकृष्ण महर्जन नापं थीथी व्यक्तित्वपिन्सं न्वंवानादीगु खः ।

नेपालभाषाय् ब्रोडसिट पत्रिकाया आवश्यकता

थःगु नुगःखँ तयेगु भवलय सम्मानित भाजु माथेमां नेपालभाषाया पत्रकारीताया इतिहास सच्छिदै थ्यंनेत्यंगु इलय नं नेपालभाषाया ब्रोडसिट पत्रिका छगू हे मदुनिगुलिइ दुःख प्वंकादिल । थःत नेपालभाषाया ब्रोडसिट पत्रिका पिकाये मन दुगु वय्कःया नुगःखँ खः ।

लसकुस न्वचु तयेगु भवलय सिरपा: गुथिया मू छयान्जे सुनिल महर्जनं योगदानयात सम्मान यायेगु भवलय नेपालभासं लिसैं मेमेगु भासं नं नेवा: मुदाया उत्थान यानाच्चपिन्त हनेगु ल्याखं प्रधान पत्रकारीता सिरपा: वःगु जानकारी बियादिल । ज्याभवलय ज्याभवःया मू पाहां चित्तरन्जन नेपाली, नेवा: पत्रकार राष्ट्रिय दबूया नायः श्रीकृष्ण महर्जनं नं थःथःगु नुगःखँ तयादीगु खः । सिरपा: गुथिया नायः नृपेन्द्रलाल श्रेष्ठया सभानायकय् जूगु ज्याभवलय गुथिया न्वकू जुजुमान महर्जनं सम्मानित व्यक्तित्वया म्हसिका न्हयव्वयादीगु खः ।

‘ल्याय् रुम्ह न्हयलुवाःया आरोप निराधार’

नेवा: स्वायत्त राज्य मंका: संघर्ष समितिं खुक्वःगु नेवा: एकता दिवसया सम्बन्धय् नेपा: राष्ट्रिय पार्टीया भातृ संगठन नेपा: राष्ट्रिय ल्याय् रुम्ह न्हयलुवाःयापाखें पिदंगु वक्तव्ययात कया: थःगु गम्भीर ध्यानाकर्षण जूगु न्हयथंगु दु ।

संघर्ष समितिया वर्तमान नायः मनोज नेवा: खड्गीं थौं छगू प्रेस विज्ञप्ति पियँसैं वंगु पोहेलाख नवमिकुन्ह वसन्तपुरय् जूगु नेवा: एकता दिवसया सभाय् नेपा: पार्टीया नेतायात न्वःवाके मव्युगु धइगु खँ भ्रमपूर्ण खःगु नं धयादीगु दु ।

विज्ञप्तिइ उगु दिनय् वसन्तपुरया सभाय् नेपा: राष्ट्रिय पार्टीया मू छयान्जे विजय सैजुं पाहां कथं न्वःवानादीगु न्हयथनातःगु दु । उकिया लिसैं समितिया गुगु नं ज्याभवलय गुगु दलया सु नेतायात न्वःवाकेगु धइगु समितिया हे स्वअधिकार खःगु खँ नं विज्ञप्तिइ धयातःगु दु ।

नेवा: स्वायत्त राज्य मंका: संघर्ष समिति
Joint Action Committee for Newa Autonomous State
पुष्पलालपारा १०, ताप्लेजुङ्ग, कैलाली, कैलाली-०९६२०००२



खुक्वःगु नेवा: एकता दिवसया सम्बन्धय् नेवा: ज्याय् रुम्ह न्हयलुवाःया पाखें पिदंगु वक्तव्ययात कया: नेवा: स्वायत्त राज्य मंका: संघर्ष समितिं गम्भीर ध्यानाकर्षण जूगु दु ।

व्हो पोहेलाख ९ (माघ ५) सोमवा: कुन्हु वसन्तपुरय् जूगु आसमाय् नेवा: पार्टीया नेतायात न्वःवाके भाय् मव्युगु धइगु धइगु विज्ञप्तिइ भ्रमपूर्ण खः । उगु ज्याभवलय नेपा: राष्ट्रिय पार्टीया मुख्यांजे विजय सैजुं भातृ पाहां कथं न्वःवाके विज्ञप्तिइ भ्रमपूर्ण खः । मंका: संघर्ष समितिं ज्याभवलय गुगु दलया सु नेतायात न्वःवाकेगु धइगु खँ समितिं स्वअधिकार खःगु खँ नं विज्ञप्तिइ धयातःगु दु ।

ने.सं.११३६ पोहेलाख ११ (२०७२ माघ ५)

मनोज नेवा: खड्गी
भाय्



तपाईंको टोलमा भएका घटना कीर्तिपुरको समाचार बनाउने हो भने तपाईं एक कल फोन गर्नुस् हामी तपाईंको टोलको समाचार कीर्तिपुरको समाचार बनाईदिनेछौं

कीर्तिपुरको
चित्रण



किपुलिं पिदनाच्चंगु कीर्तिपुर सन्देश वा:पौ व ज्वजलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३
फोन नं.: ४३३३००७, ९८४१४०१०७७

ज्वजलपा वा:पतिइ छिगू चिनाखँ/बाखँ/हाइकू विज्ञापन व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



ज्वजलपा वा:पौ

ज्याकू: निखासी त्वा: किपू नपा-३ फोन ल्या: ४३३३००७, ९८०८६२६४२० ई-मेल : kirtipur_sandesh@live.com